



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五八一

世忠堂文集六卷附守城善後紀畧一卷家傳一卷 鄒鳴鶴撰

一

鄒壯節公寶素齋詩鈔十卷（存卷一至卷二卷七至卷九） 鄒鳴鶴撰

二二三

夢硯齋遺稿八卷 唐樹義撰

二五一

蘇溪全集四十四卷（知養恬齋時文鈔四卷戊戌刊知養恬齋試帖

三十卷蜀槎小草二卷知養恬齋詩鈔二卷甲辰刊知養恬齋試帖

二卷知養恬齋賦鈔四卷） 羅繞典撰

三五七

梓年二治同

世忠堂文集

錫山鄒寓藏板

世忠堂文集序

夫古之爲文者有性情之文有學術之文有經濟之文有詞章之文自兩漢以迄有明千數百年以來諸大家鼓吹五經笙簧六籍雖文筆固殊焉總之不離乎四者近是鄒子鍾泉中丞與余同應道光二年壬午科

廷試爲齊年交鍾泉以榜下改外任余分隸西曹宦轍判內外匆匆往返不數四卽由公譙作別未及深相結納而耳熟其名卽心儀其人者匪伊朝夕特尙未讀其文耳比鍾泉在豫省宰劇邑守河防典要郡到處有政聲歲在甲午余以隨星使長白昇大宗伯勤直公赴豫閱伍鞠讞

世忠堂文集序

又得與鍾泉重相接然以公務倥傯關防縝密亦未得時相過從細與論文但聞彼都人士輿頌翕然幾如走卒兒童知司馬者咸嘖嘖稱循良吏不衰越三年余以愚觸罪鵠級投閒因橐筆河陽主百泉書院講席乃得與鍾泉常相覲晤抵掌而談雖盛暑嚴寒每至夜分不輟因得讀鍾泉之文茹古涵今離眾絕致余固習知鍾泉之天性篤孝其讀書勵品居官悉稟荻訓以爲則倣及與之論文總以歸諸實濟以致君澤民爲有體有用之學是其移孝作忠又能兼全而一以貫之區區文字之短長抑未矣然猶未得窺其文之全豹也至庚戌夏仲鍾泉以江右觀察督運

至袁江適余解木差由浙北上邂逅水郵又得親其言論
丰采知其懇勉德業更爲日進無疆私心尤折之以爲定
作吾黨中不朽傳人不僅在四科文學列也及咸豐辛亥
鍾泉宣撫粵西時值粵匪蠢動壬子春省垣被圍晝夜登
陣堵禦寢食不遑嘔盡心血始得轉危爲安雕題交趾咸
倚若長城而當事之魁帥竟以持異同之見劾君落職君
恬然安之及歸以文教自任振興鄉學里人薰其德而善
良者羣式太邱之化雖數十年歷任外臺處沃區躋顯秩
而清風兩袖環堵蕭然著作等身寸陰是競是其道不行
而其說長亦正思藏之名山傳之其人不復作撫臂下車

世忠堂文集

序

三

計矣無何金陵防堵戒嚴節帥雅重公望公才特
奏調辦理軍務君慷慨從事不俟駕而行抵金陵後廢寢
忘飧鞠躬盡瘁視

國事如家事癸丑春金陵城陷逆匪入外無蚍蜉蟻子之
援君結纓而出遇賊巷戰猶噴目手及一賊眾賊大聲急
呼曰是卽在粵西殺我弟兄之鄒妖也遂磨撲上前爭鬪
割之其殉節最爲慘烈大帥據情入告並附絕命詞五六
言各一首余從邸抄中得敬讀之真一字一淚一字一血
令人想見常侍街鬚睢陽嚼齒並陳木叔投江前夕作絕
命詞時情狀也咸豐辛酉余捧檄玉環哲嗣子斌司馬適

佐郡歐江因得晤於郡垣述其尊人顛末及家鄉被難情
形泣數行下余聞之慘然又檢其世忠堂遺集全編出以
示余丐爲之序余不文且君苗焚硯久矣何能濡染淋漓
罄其梗概惟余與鍾泉四十年同譜至交知之最深又以
子斌練達誠篤無忝所生喜其後起有人也不敢以不敏
謝用特質而言之不工諛詞不爲浮語因就全集雜誦數
四見其文之根諸性情者述府君行畧及方李兩太恭人
行述從姪女等傳如讀李密陳情表歐陽永叔瀧岡阡表
韓昌黎祭十二郎文令人涕數行下哽咽不能成聲其本
諸學術者四書反身錄序東林懷古詩序巽官敬事錄則

世忠堂文集

序

三

與李朝復性書蘇子荀卿論韓非論有相發明其施諸經
濟者上中丞方伯等書從政名言序守城記畧則與魏相
條陳便宜奏匡衡上得失疏歐陽論修河狀若合一手至
其他播爲辭章有若漢循吏傳書後各詩文序及雜著等
篇不過如柳州之鈞錚潭穎濱之木假山南豐之仙都觀
三門等記隨其意之所之涉筆成趣自成一家言而已余
旣讀世忠堂全文雖長篇短章無美不備要以根諸性情
者爲宗旨於集中之行畧行述內已見其孝之一端而於
邸抄中得讀絕命詞又見其忠之大概是盡忠盡孝由文
而可徵諸實踐非徒託諸空言若其學術之文經濟之文

尚不過出其緒餘已足了十人不止更何詞章之文之足
多哉余故就其大者遠者而論之使人之讀是集者知有
是集而鍾泉爲不朽矣抑知有鍾泉而是集爲不朽矣且
卽以詞章論就文論文並皆佳妙有諸巨卿名公之題跋
在焉小子更何能贊 辭

咸豐十一年春 潞河年愚弟白讓卿浣手撰

世忠堂文集

序

四

差大臣兩江總督江蘇巡撫查明在籍巡撫守城禦賊
力竭捐軀殉難情形摺子

臣向榮臣怡良臣許乃釗跪

奏爲在籍巡撫守城禦賊力竭捐軀謹查明殉難情形

合詞恭摺陳

奏仰祈

聖鑒事竊臣等前准兵部咨咸豐三年九月二十日內閣

奉

上諭自粵匪竄擾以來地方文武官員或守城殉節或臨
陣捐軀及紳士人等志切同仇盡忠効死者業經立沛

世忠堂文集

奏稿

一

恩施交部分別議恤並將被害較烈各員命於各該處
建立專祠以昭忠節該官紳等忠義之氣允堪振起懦
頑褒卹之典仍宜特從優厚着該部詳細查明已經給
予恤典者再行分別酌議加增予謚或入祀昭忠祠其
家屬殉難者應如何優恤之處一併酌核具奏至未經
奏報各員着各該省督撫迅卽飭查被害情節奏請獎
恤勿稍疎漏用示朕勵節勸忠之至意欽此轉行知照
前來臣等跪聆之下仰見我

皇上褒恤忠良有加無已曷勝欽懷當卽恭錄遵行各屬
欽遵確查去後茲據署無錫縣知縣王如林詳稱據

在籍侍郎侯桐等呈稱竊原任廣西巡撫鄒鳴鶴無錫縣進士由知縣洊陞巡撫先於道光二十一年在河南開封府任內因黃水漫溢省城被淹隨同巡撫藩臬兩司力保危城居民得以無恙咸豐二年二月粵匪攻撲桂林鄒鳴鶴嬰城固守三十三日殺賊無算解圍以後旋因不能救援全州奉

旨革職回籍常以不能殄滅逆賊深自憤恨每與戚友言及輒皆裂髮指忠義之氣見於顏色是年十二月初七日前

欽差大臣陸建瀛專面邀赴金陵詢訪賊情時已久患頭

世忠堂文集

奏稿

二

暈耳鳴之症戚友咸阻其行鄒鳴鶴曰此正吾報

國補過之時也毅然不顧力疾進行及抵金陵陸建瀛業已登舟赴楚隨即趕往前途告以賊中虛實適奉諭協同辦理防堵事宜當與原任江甯將軍祥厚等協力同心籌商守禦各事甫經得有頭緒而陸建瀛已由九江折回鄒鳴鶴亦因晝夜在局籌畫心力交瘁舊疾增劇陸建瀛見而憫之

奏明勸令回籍鄒鳴鶴聞之憤然曰我雖無守土之責

而奉

旨協辦防堵即當與城存亡豈有因犬馬之疾遽圖苟免

欽差視我爲全軀保妻子之臣非知我者也堅執不去時其次子監生鄒觀儀侍側即諭以安分讀書卽爲孝子不必戀我等語逮賊匪臨城猶力疾登陣會同文武各官口講指畫調派兵勇隨機堵禦二月初九日賊匪攻城甚急兵勇人心渙散鄒鳴鶴見獨力難支仰天太息手書絕命詩二首誓以一死報

國初十日正在籌防局給發鄉勇殺賊賞銀忽報儀鳳門失陷急探懷取絕命詩遣人持付其子觀儀旋卽乘肩輿馳往救援行至三山街地方遇見賊匪蜂擁而來輿夫星散鄒鳴鶴卽下輿拔刀刺賊賊見輿後

世忠堂文集

奏稿

三

帖袋名東有鄒鳴鶴字樣咸譁然曰此卽守桂林省城傷我弟兄之鄒妖也呼其名而詈之鄒鳴鶴亦罵不絕口手及一賊眾及交加遂爲支解時其家人汪玉在側亦被賊傷昏暈倒地越日始甦弟見殘骸遍地莫辨爲誰惟肩輿雖已毀損尙棄道旁汪玉匍匐潛行伏處荒僻旋尋見鄒觀儀隨同難民先後乘間出城回籍備述詳細由該紳士等呈請通詳並錄呈絕命詩六言一首云臣力難圖報稱臣心仰答

九重三次守城盡節庶幾全始全終又五言一首云太倉半粒粟滄海一微塵人生百年耳忠盡仁乃純各等

情據此^臣等覆加訪查並詢之金陵逃出難民所言大略相同伏查前任廣西巡撫^臣鄒鳴鶴受

恩深重爲

國捐軀固屬分所當然而居心之忠純遇害之慘烈實

足以起懦立頑愧勵臣節合無仰懇

天恩俯賜交部從優議恤以慰忠魂似於世道人心大有

裨益緣奉

諭旨飭查殉難各員謹合詞恭摺具

奏伏乞

皇上聖鑒訓示謹

世忠堂文集

奏稿

四

奏

咸豐四年五月二十二日奉

上諭向榮怡良許乃釗奏查明守城禦賊力竭捐軀之在籍已革巡撫請旨優卹一摺已革廣西巡撫六品頂帶鄒鳴鶴協同防守金陵於儀鳳門失陷後馳往救援被賊戕害實堪憫惻鄒鳴鶴著加恩追賞道銜卽照道員陣亡例議卹以表忠悃該部知道欽此

^{調任直隸總督曾國同}奏請^{優卹}鄒鳴鶴^子巡撫^子江武英殿大學士兩江總督調任直隸總督一等毅勇侯^臣曾國藩跪

奏爲殉難大員政績卓著懇懇

天恩從優加卹以表循良而彰忠節恭摺仰祈

聖鑒事竊據前任浙江甯紹台道史致諤等二十八人

聯名呈稱原任廣西巡撫鄒鳴鶴江蘇無錫縣人

由進士出宰河南政聲卓著洊陞道員道光三十

年內外大臣交章論薦由江西糧道

特擢順天府府尹

世忠堂文集

奏稿

簡授廣西巡撫咸豐二年逆匪圍撲省垣嬰城苦守三十

三晝夜城賴以全嗣因被議去職回籍三年正月

金陵戒嚴奉

旨督辦沿江防堵事宜時已病甚力疾馳赴江甯會同地

方文武竭力守禦總督陸建瀛憫其老病勸令還

家憤然拒之二月初十日城陷率眾巷戰手刃二

會賊廬至遂被支解殉節

奏蒙

諭旨照道員例賜卹在案竊思鄒鳴鶴巡撫廣西力保危

城厥功甚偉旋以辦團大員殉節金陵同治三年

克復後其子徧求骸骨并無藁葬之所情形慘烈
哀動路人現在東南軍務一律肅清

聖朝褒忠之典有加無已可否專

奏從優加卹等情前來臣查鄒鳴鶴在開封府任內

正值祥符決口捍禦水災卓然有古循吏風汴人

至今感頌其官順天府府尹時臣在京供職與之

往還心敬其人迨巡撫廣西守城卻賊公論昭著

回籍後以閒散之員力疾辦團誓死勿去統其生

平厯任府縣均有政蹟可傳而在江甯殉節本無

守土之責尤爲臨難不苟大節凜然該員曾任廣

世忠堂文集

奏稿

二

西巡撫合無籲懇

天恩俯准照巡撫例從優加卹并准

特旨予諡以表循良而彰忠節出自

逾格鴻慈所有殉難大員政績卓著籲請從優加卹緣

由理合會同新任督臣馬新貽據情陳

奏伏乞

皇太后

皇上聖鑒訓示謹

奏

同治七年十月二十四日奉

上諭曾國藩奏殉難大員政績卓著懇請優卹一摺已革
廣西巡撫鄒鳴鶴前在本籍江甯省城殉難當經降旨
照道員例賜卹茲據曾國藩奏稱該故員自守令薦陞
巡撫均有政績可傳其在江甯殉難時尤爲臨難不苟
大義凜然鄒鳴鶴著再加恩照巡撫例從優議卹並准
予諡以彰忠藎欽此

世忠堂文集

奏稿

三

兩江總督臣馬新貽江蘇巡撫臣丁日昌跪

奏爲遵

旨查明殉難大員實跡籲懇

天恩仍准優卹恭摺仰祈

聖鑒事竊臣承准軍機大臣字寄同治七年十二月十

四日奉

上諭據都察院奏編修朱福基等以故員殉難情形聞

見各殊請飭查明赴該衙門呈訴一摺等因欽此仰

見

聖朝褒顯忠良事必核實之至意當經恭錄札行某訪

世忠堂文集

奏稿

一

忠義局確查核辦茲據稟稱徧訪當時在城紳耆

據稱已故廣西巡撫鄒鳴鶴於咸豐二年冬間到

金陵助同前江甯布政使祁宿藻辦理籌防事宜

設局城內事有條理迨三年二月賊至攻城鄒鳴

鶴募督目多人偵知賊挖地道卽多方設備及見

城垂破身攜藍布包裹一具內藏遺稿親往素識

民人方屋家中囑曰我辦軍務義所當死爾係百

姓自可逃生託將包裹遞交我家包內有銀數兩

資爾路費務祈送我家中死亦瞑目等語二月初

十日賊由儀鳳門蜂擁而入鄒鳴鶴大罵不屈卽

被刺死於三山街路旁推鄒鳴鶴到方屋家中時

所乘之輿停在門外該地居民遂有謂爲藏匿其

家者事後逃出難民播告各鄉致多岐說其時城

中紳士避難鄉居者亦皆聞是語蓋在難民創鉅

痛深怨官員防守不善過情詆毀在所不免而鄒

鳴鶴之死事情形係據當時在城紳耆言之鑒鑒

據情稟覆前來臣等查鄒鳴鶴在江甯殉難前督

臣怡良等初次具

奏卽照陣亡例讓卹迨覆查提督福珠隆阿殉難情

形摺內歷數陣亡大員亦有鄒鳴鶴在內並有江

世忠堂文集

奏稿

二

甯城外商民人等眾口一詞等語並無避匿民居

之說當時公論昭然毫無疑義自較目前探訪之

詞尤爲確鑿至將軍祥厚等

奏參陸建瀛摺內聲敘防守事宜有與鄒鳴鶴等和

衷趕辦之語其未與祥厚掣肘似有明証同治三

年江甯克復追溯死事大員曾國藩詳加諮訪僉

謂鄒鳴鶴殉難慘烈又徧訪河南等處鄒鳴鶴服

官之地亦僉稱其平時忠誠果斷見義必爲遲之

又久信而有徵直至上年調任直隸交卸後始因

紳士公稟與臣新貽會銜具

奏曾國藩於陳奏事件向極謹慎從無輕率不獨鄒

鳴鶴請卹一事也現在欽奉

諭旨詳細確查鄒鳴鶴實係遇賊陣亡並非避匿被殺

御史朱鍾所奏係屬當時傳聞之悞亦出有因而

綜論鄒鳴鶴一生志行居官則禦災捍患不愧名

臣臨難則取義成仁無慚大義若不爲之昭雪誠

如

聖諭使從容就義之臣蒙苟且偷生之謗殊不足以彰

公道合無仰懇

天恩俯准仍照巡撫例從優議卹並准

世忠堂文集

奏稿

三

予諡以褒忠蓋而順輿情出自

逾格鴻施所有查明殉難大員實跡緣由理合恭摺具

陳伏乞

皇太后

皇上聖鑒訓示謹

奏

具呈翰林院編修朱福基侍講銜編修趙曾向記

名御史編修陸爾熙三品頂戴卽還知府內閣中

書樞祖貽道銜戶部郎中管貽蓀員外郎銜主事

陳榮紹主事秦炳文王緯陳毓秀七品小京官姚

星燦三品銜禮部郎中周家相兵部郎中蔣汝傳

員外郎季邦楨四品銜主事朱厚基刑部郎中允

光倬員外郎世襲雲騎尉譚鴻儀主事秦廣彤華

冕臣馮光勛工部郎中孫金章員外郎張恩釗曹

鍾彝員外郎銜主事朱儀訓主事余維楨馮光元

光祿寺署正劉瀨董開沅鈕德蔭陳名珍華文燦

世忠堂文集

江南京官公呈稿

等呈爲故員殉難情形聞見各殊籲求

奏請

飭查以昭核實事竊已故廣西巡撫鄒鳴鶴江蘇無錫

縣人咸豐三年正月江甯戒嚴奉

旨幫辦金陵防堵事宜二月初十日城陷殉難經前兩江

總督怡良奏奉

諭旨照道員例賜卹本年兩江總督曾國藩奏請優卹蒙

恩允准旋以御史朱鍾奏又奉

旨撤銷各在案賞罰之柄出自

朝廷非職等所敢妄議惟朱御史所奏與職等聞見懸殊

大臣名節攸關有不得不爲剖白者查鄒鳴鶴自廣西革職回籍每向人言惟以不能滅賊爲憾未嘗有怨望之詞陸建瀛奏請調赴江甯已蒙

恩賞給六品頂戴時鄒鳴鶴抱病家居聞

命卽行略無推諉朱御史所稱因無加銜之旨羞憤成疾未知果何所據此聞見之各殊者一也迨行抵金陵陸建瀛見其老病勸令回里鄒鳴鶴慷慨辭之事在省城未失以前眾所共知若如朱御史所稱避匿偷生何不於此時舍城居鄉并何難藉病回籍必至無可避匿之時始行避匿且以在籍革員

世忠堂文集

江南京官公呈稿

二

前往金陵本無衙署假館民房而身在城中城亡與亡無所謂匿亦無所謂避此聞見之各殊者二也金陵旣陷無錫本籍相距五百餘里數日間逃出難民卽有鄒鳴鶴殉難之語迨家丁携其絕命詞逃回咸知城陷之日帶勇馳援遇賊死於三山街朱御史所稱十數日後爲賊所殺當時並無其說此聞見之各殊者三也至所稱祥厚等向商守禦方略反事事與之掣肘等語鄒鳴鶴以在籍之員到甯匝月與祥厚等主客異形何能轉與掣肘且陸建瀛布置乖方不能和衷共濟祥厚等尙難

與力爭恐非鄒鳴鶴一時所能補救其情亦屬可原伏讀咸豐四年

上諭已革廣西巡撫六品頂戴鄒鳴鶴協同防守金陵於儀鳳門失陷後馳往救援被賊戕害實堪憫惻鄒鳴鶴著加恩追賞道銜卽照道員陣亡例議卹以表忠悃是其大節凜然早蒙

聖鑒若如朱御史所稱是以從容就義之臣蒙苟且偷生之謗恐不足昭直道之公職等爲此取其同鄉官印結聯名呈請據呈代

奏請

世忠堂文集

江南京官公呈稿

三

旨飭下兩江總督馬新貽查明以昭定論伏乞

大人查照施行

同治七年十二月初一日具

同治八年四月初一日奉

上諭前因都察院奏編修朱福基等呈稱前任廣西巡撫鄒鳴鶴在江甯殉難與御史朱鎮所奏情形迥殊當經諭令馬新貽丁日昌查明具奏茲據奏稱徧訪當時在城紳耆僉稱鄒鳴鶴協同防守事有條理及城垂破誓以身殉旋因罵賊不屈被戕並無避匿民居之說朱鎮所奏係屬傳聞之誤仍請優卹予諡等語朝廷褒忠之典綱紀攸關鄒鳴鶴殉難情形既據訪查確實仍照曾國藩原請照巡撫例從優議卹予諡以彰忠烈御史原許風聞言事惟事關人之名節亦豈得冒昧臆陳茲朱鎮於鄒鳴鶴死事情形並未詳查經曾國藩察訪明確准賜卹予諡後輒以傳聞無據之詞遽請撤銷實屬不勝言官之任朱鎮著回原衙門行走以示薄懲欽此

世忠堂文集

下序

錫山鄒鍾泉先生與先君子同年舉於鄉服官河南最久寶第生晚比長供職京師未及一奉顏色接緒論然聞先生宦蹟最著輒心儀之同治丙寅承宣中州先生以咸豐癸丑粵賊陷金陵督鄉團死於難已十餘年矣道光末海寓清晏乳機已萌先生以通博之才領中州首郡度其設施必有大過人者間於延見僚屬勤加諮訪道先生名則人皆交口稱頌無異詞求所著道齊正軌書不可得適其嗣君和之以所著世忠堂集見示以余爲先生年家子問序於余始得讀先生所爲文忠

厚惻怛藹然仁者之言大要以切近
人情爲主而後知中州僚屬交口稱
頌非無故而云然也 寶第學識迂陋
初試爲外吏於世務苦未通曉竊以
人情有公私有邪正以一己之情通
天下之情卽合天下之情以窺一己
之情其端本出治之故必尤有切近

卞序

二

於寤寐而無敢苟者 先生往矣惜
不得舉以就質之 和之爲名父子
守其家學必能砥行立業爲前人光
以無負中州僚吏尸祝之望爰書數
語於簡端期與 和之交相勵云
同治丁卯仲夏

年愚姪卞寶第頓首謹序

鍾泉先生以名進士爲外吏慨然有
經世之志多讀書講求郡國利弊同
時如林文忠諸公皆以國士相期道
光二十年河決祥符堡省垣爲怒濤
所環注旦夕且壞大吏以先生權開
封府篆百方捍之竟獲全

文宗皇帝御極之元年詔舉賢才內外

李序

大臣以先生名進者十且六七遂由
觀察撫軍粵西洪逆自永安州轉出
襲省城先生偕向軍門榮守之是時
天下昇平久武備懈弛賊又善爲地
道所至如武昌安慶江甯者皆名城
應手糜爛獨先生當起事之初堅守
厯五十日賊死昨不得入天下以爲

難聞既解而先生遂落職歸矣越一

年金陵陷以散員居城中死於難時

論尤悲惜之

鶴年

少耳先生名及撫

豫每於故吏詢先生治績先生族孫

少儀大令獲聞先生諸論尤多先生

論治必先人情爲文雖無所不學然

惡鉤章棘句以爲古者故其文條達

李序

二

劉切兼陸賈之長余讀其世忠堂遺

集蓋無一篇非有關人心風俗者凡

河漕兵農諸大政必力求其利弊興

革之所宜其與錢伯玉書尤暢論爲

治必體人情之旨記曰人情者聖王

之田也管子曰下令如流水之原者

令順人心也夫爲治而惟人情之順

宜其爲瞻徇矣然天下無一人獨成

之功亦無眾人皆非之理情之不可

徇者是君子之所嚴也情之不可逆

者亦君子之所恤也先生嘗著書曰

道齊正軌又嘗歷舉古循吏傳而論

列之是以古治自期者然其言乃如

彼而力保危城克全大節所至無不

李序

三

著名績者其效又如此然則人情之

說固亦論治者所不廢歟先生令子

和之茂才以遺集索序於余余因舉

其得力所在而追論之遂書以爲序

同治戊辰年季夏上澣

三韓後學李鶴年頓首謹序

題詞

鍾泉爲人性情真摯余嘗見其爲亡友致賻作書至痛哭不能自止其性情之篤如此故其發爲文章類多纏綿悱惻之音往復猶夷之致而鍾泉方孳孳矻矻日進不已所詣曷可量耶

題詞

一

道光丁亥夏

海梁楊國楨拜題

借題抒意往往多見道之言此卽鍾泉之治譜也願與海內講經濟者快意讀之弟國楨又題

原流正大體骨清真識力高深氣韻

醇厚其得力於昌黎廬陵者深矣道光七年九月聞喜弟支鳳翔拜題於大梁旅舍

鴻文無範恣於川至說到治體處便自娓娓鍾泉固是良吏才

年愚弟姚東之拜題

題詞

二

真性行真事業真擔當舉於斯集見之己亥秋九月

石梧弟李星沅浣手題

鍾泉學問政事卓然一時言爲心聲於斯集可概見也庚子中秋二十有四日武威牛鑑手題

集中多奇警之論而皆發於真摯之情言爲心聲積中形外不可假借如是宜乎政事之副其實也傳世何疑道光壬寅三月上巳林則徐將荷戈出塞倚裘手題

題詞

三

議論筆力負絕流俗昔人謂讀盡古今書識盡古今人方可註經信然

年愚弟潘曾瑩拜題

讀激濁揚清論任賢去邪疏知先生之志固有在也後人勿徒以其行事稱之汪喜荀拜題

題詞

四

集中題邵子山詩集序謂子山之文章子山之事業也烏虜是殆自道其所造爲著作林示指歸豈直邵集然哉操觚家揮毫數百言見者詫爲奇偉自顧亦輒矜許謂措諸實事當無過是及異時覘之則所行往往不逮所言此無他惟其判文章與政事而

二之鍾泉以名進士宦遊豫中余時作監司卽目色異儕輩辭別且十二年矣今秋于役中牟大工重來舊地大梁城郭煥然一新蓋辛丑河決浸及省垣之時正鍾泉典守是郡之日方其陽侯肆虐黔首倉皇登陴望芻茭之來汪洋無一葦渡鍾泉奉大府